

[VI]

Je vous envoie un bouquet¹, que ma main
 Vient de trier de ces fleurs² épanies,
 Qui ne les eust à ce vespre cueillies,
 4 Cheutes à terre elles fussent demain.

Cela vous soit un exemple certain
 Que vos beautez, bien qu'elles soient fleuries,
 En peu de tems cherront toutes fleties,
 8 Et comme fleurs, periront tout soudain.

Le tems s'en va, le tems s'en va, ma Dame³,
 Las! le tems non, mais nous nous en allons,
 11 Et tost serons estendus sous la lame :

Et des amours, desquelles nous parlons,
 Quand serons morts, n'en sera plus nouvelle :
 14 Pour-ce aimez moy, ce pendant qu'estes belle.